

鑿林繩墨

漢書門
1111011
六一八
冊架函號類

內閣文庫
漢書
1111011
六一八
冊架函號類

內閣文庫
番號漢 12302
冊數 6(1)
函號 301 21

301-21



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



嘉慶乙亥秋鐫

醫林繩墨大全

同善堂藏

重刊醫林繩墨記

嘗讀甲乙經序云通天地人曰

儒通天地不通人曰技醫者技

也實儒者事也夫以醫為儒者

之事可見醫理難明凡疾病

之表裏虛實脈理之浮沉遲

大學東
校典籍
局之印

江戶醫學
疔書

數乘性之寒熱溫平一切句解字
義惟儒者能理會存心古人
有不明理之識字不可以為醫
之戒甚矣醫之未可輕言從予
也予年三十不揣冒昧先以未問明
堂鍼經等書誦明切究乃稍知


人身十二經絡又存仲景原文及
李朱劉薛諸大家證治近代名
醫著作亦稍涉獵而意旨深
遠茫無折衷因憶靜園姚業
師博覽醫學出亦可謂富所藏
矣而獨於醫林繩墨一書躬

夕祿迄常以難覓為憾余於
是留心採訪得之於吳興潘氏
迄今二十年朝夕揣摩竊幸
領畧一三大約是書之妙能得
治病經領教之時下醫宗必
讀諸書更覺明白曉暢足

為醫學之津梁近有以秋却陳
君見而悅之決意倡集同志重
付剞劂余思書者天下之公器
也考是書初刻於萬曆甲申再
刻於康熙丁巳垂今百有年
功本罕親茲賴陳君領袖重

刊活人壽世功莫大焉書成
獲却喉序於余因援筆而
為之記 告

嘉慶二十一年丙子二月青浦
竹峰黃煇春書於雲間白龍
潭遺愛堂書次



醫林繩墨方序

繩墨一書乃為後學習醫之明鑑俱領內經景升東垣
丹溪河間諸先生之成法而著方立言非方穀一人之
私論也蓋醫之一道其理甚微其責甚重活人生人在
此三指之下兩劑之中若無主見未有不殺人者穀自
肄業以來早夜精心微危是慎日與諸門弟子諄切講
解故以生平所讀之書意味深長之理時刻玩誦或前
先生所立之論未及配方或前長者所主之方未及著
論方論不齊難以應用由是一一配合必使補瀉升降

醫林繩墨
得宜寒熱溫涼有準分門別類酌病投湯如涉海者授之以指南之針如登山者告之以曲折之路又復定立主意俾不猶疑庶使後之有志救世者引繩畫墨不致以生人之道而爲死人之具也如其中見有差訛識有未到凡我同志乞爲筆削論訂之則醫林幸甚而醫之爲道亦幸甚

萬曆甲申八月旣望日七十有七老人錢塘醫官方穀書

醫林繩墨大全序

嘗考醫學肇自軒皇苟非聖神亦烏能安危而起死也哉雖然世必聖神而後能精醫學則民生壽命之急須與造化功用所不及而賴爲贊助者不待一傳二傳而斬其術於不可繼矣則古人達爲良相不達爲良醫之說不亦大欺後世與吾人也歟而何其拯救之功與燮理之用每並垂而不朽也則亦恃醫之有經可遵有書可守而已然而高明之士多視爲小技漫不究心一旦身有病與所親之人有病則悉付之庸愚之手使庸愚

之陋識反得以握賢智之生死是亦大可痛惜也矣間有涉獵斯術者則又自恃聰明不肯究極精深僅知麤淺卽自信自用以致自誤誤人其害尤甚故余嘗鑒之而思爲身計併思爲身所親計又思爲天下之有身有親者計是以究心於醫學其諸書充棟汗牛者自揣貧力不能致卽有約而未精者亦自揣識有未充用必寡當夫書至余不能致則凡習醫之貧者自皆不能致之矣余識未能充用而寡當則凡工醫之識有未能充者必皆用之而寡當矣况其中卽有奉爲金科玉律者又

或彼此異見法用殊途每不足以一人之心志定人之趨守正鯁鯁焉其難之乃於友人祕笈中得見錢塘方先生所著醫林繩墨一書書分九卷卷各九篇篇詳八十一症症各有論論列有方方有加減其間諸證之脈候諸藥之性情咸詳載於各病各函之中又復今古同參標明主意余取而讀之旣喜其博取而精研復愛其深思而透悟表裏陰陽辨之甚晰望聞問切合以論功且所持論一稟遺經而察寒熱審虛實調劑變通總斲中病而止旣不膠於古方又不拘於成說余於是構爲

苟珍凡有病者或商問於余或求治於時醫而不效一照所論而施治之見功十嘗八九噫抑何其神奇也乎因歎余不習醫又非知醫療不切脈病惟問證而授藥卽報痊可者要不過奉此繩墨以爲救人之針筏耳後漸爲工醫者所知每每索錄余因不惜資費梓而布之更附以家藏奇效諸驗方使世之覽者咸知其病用某方而得宜某方用某藥而合當某藥用之於某症中窾而迴生且也知某病之起有類於某症而實不可一例而醫某症之成大不同於某病而亦可觸類而通合宜

而用則於世之疾苦沉痾未必無裨也又未必不與仲景東垣丹溪河間立齋諸前輩所著書互有發明也况仲景東垣丹溪河間立齋諸前輩所著書卽所禰汗牛充棟者也夫得先於斯集約而求之分門別類扼其要領獲其旨歸而後從而該博焉是又以精益精之大捷經矣若夫卷分惟九篇各用九證盡九九此又先生生人生世之微衷矣蓋九爲陽數世賴陽氣而常生人得陽氣以不死矧諸病逢陽則易治有陽則可治無陽則不治是先生之以九編集也陽道也卽寓生世生人之

妙道也先生何時人生於前之隆慶失厥嗣字其著是書也乃在萬曆之甲申有引自號為七十有七老人仁和醫官方穀想亦家世相傳而善精岐黃之學者歟時

康熙十六年歲在丁巳立春後九日向山堂夕惕主人

周京雨郇氏序

醫林繩墨大全目錄

卷之一

中風方論

附中臟中腑中血脉中經中氣類中風

傷風方論

中寒方論

傷寒方論

風寒方論

中暑方論

附傷暑冒暑及中熱注夏暑風

瘧症方論

痢症方論

霍亂方論

卷之二

醫林秘要 卷之三 尚山堂

氣症方論

血症方論

燥症方論

火症方論

痰症方論

痰火方論

濕症方論

濕熱方論

喘症方論

卷之三

嘔噦吐方論

吞酸吐酸方論

嘈雜噯氣方論

脾胃方論

傷飲傷食方論

呃逆方論

關格方論

附格食格氣

噎膈方論

附反胃

惡寒發熱方論

卷之四

驚悸方論

附恍惚

怔忡方論

健忘方論

汗症方論

虛損方論

內傷方論

消渴方論

附強中

癆瘵方論

咳嗽方論

卷之五

醫林秘要 目錄

眩暈方論

頭痛方論

附頭風

心痛方論

今胃脘痛

腹痛方論

附小腹痛及腹中窄狹

脇痛方論

腰痛方論

牙痛方論

疝氣方論

附木腎陰痿強中

脚氣方論

卷之六

秘結方論

小便不利方論

附白帶白濁

淋瀝方論

附癰閉

小便不禁方論

附咳嗽遺尿

泄瀉方論

夢遺精滑方論

附便濁

黃疸沙赤白火丹方論

鼓脹方論

附中滿蠱脹水腫黃腫面腫足腫肢腫陰腫囊腫木腫眼胞腫兒腫

六鬱方論

附五鬱

卷之七

痺症方論

附麻木不仁

痿症方論

厥症方論

瘵症方論

癲狂方論

癩症方論

積聚方論

痞塊方論

癥瘕方論

卷之八

耳症方論

目症方論

口症方論

鼻症方論

咽喉方論

舌症方論

脫肛方論

痛風方論

歷節風方論

卷之九

婦人調經方論

崩中方論

帶下方論

胎前方論

產後方論

室女月水不通方論

痔漏方論

腫毒方論

附癰疽發背

以上九卷共八十一証各証併有經驗奇秘效方附後

醫林繩墨大全目錄終

目錄

醫林繩墨大全卷之一
內經曰邪之所轉其氣必虛風之中人其中必重蓋中者中入於內拔之而難出也惟體虛者多有是症焉因其營衛衰真氣去則風邪易入然其症有中臟中腑中血脉中經之不同中腑者多著四肢為表症而脈浮惡風惡寒拘急不仁治宜以小續命湯汗之得小汗為可復也中臟者多滯九竅為裏症唇緩鼻塞舌不轉而失

醫林繩墨大全卷之一

明 錢塘方 穀著 江寧周京輯 松陳 熙重刊
中風 附中臟中腑中血脉中經中氣類中風

風者四時八方之氣常以冬至日自坎而起候其入方之風從其鄉來者主長養萬物若不從其鄉來者名為虛賊風害萬物

體虛者則中之

六經形症
太陽經頭
疼身熱背
強陽明經
症目痛鼻
乾不得臥
少陽經症
耳聾脇痛
寒熱嘔口
苦太陰經
症腹滿自
利咽乾少

陰經症舌
乾口燥厥
陰經症煩
滿囊縮

音耳聾而眼瞽大小便閉結痰涎壅盛不能言語危甚
風燭急宜以三化湯麻仁丸下之中血脈者病在半表
半裏口眼喎斜語言不正痰涎不利手足癱瘓宜以二
陳湯加竹瀝薑汁若外有六經之形症則從小續命湯
加減以發其表後用通聖散辛涼之劑兼治其裏若內
便溺之阻隔肢不能舉口不能言此中經也宜大秦芫
湯羌活愈風湯先補其血次養其筋如癱瘓者有虛有
實經所謂土太過則令人四肢不舉此膏梁之疾非肝
腎之虛治宜瀉之令土平而愈用三化湯調胃承氣湯

選而用治致若脾虛之人亦有四肢不舉但所中無痰
涎言語或不利治宜十全大補湯及四物湯去邪以留
正也經云治風先治血血實風自滅正此謂歟至于子
和屢用汗吐下三法治之而丹溪則曰治須少汗亦宜
少下多汗則虛其衛多下則損其榮故經有汗下之戒
當審其虛實而用之諸書俱謂外中風邪惟劉河間作
將息失宜水不制火亦是而不若東垣謂地有南北之
殊病因有感受之異也蓋西北地高東南地卑西北之
所中者多因風土太厚所食腥羶葱韭酒麪助熱生風

動火生痰而然也宜用三化湯承氣湯通聖散之類東南之所中者則因濕生痰痰生熱熱生風也宜以枳桔二陳湯加芩連之劑以吾論之此藥但可用於中風少緩之時未可施於中風卒暴之際至若臟腑之證見苟非急用三化與續命等湯寧得起死回生乎至丹溪體河澗東垣之說而以內傷主治王安道以爲因內傷者自是類中風與風絕無相干宜別而出之總之此症人所稟有虛實則受病有重輕體之厚者多卽感而傷體之虛者每偶得而中今局方本以外中而以內傷熱症

混同施治具載方書害人匪輕夫外感者病在表爲有餘內傷者病在裏爲不足然皆由血虛有痰或挾火與濕治宜發散補養之劑若有謂爲死血瘀血留滯不行故成是病者豈理也哉是以外中風邪見五臟之症者十有九死苟得此病于中倒之時不可令臥必使人扶之坐起用法調治初宜急掐人中俟醒次用撚鼻取嚏或以牙皂細辛末取嚏再以鵝翎絞痰三者之間得嚏得唾卽可治也否則難救若中倒之時言語得出一二句方可用藥宜二陳爲主加竹瀝薑汁氣虛者配四君

子血虛者配四物湯氣實者加枳朴山查血實者加桃
 仁紅花有火者加芩連山梔脾虛者加白朮茯苓胃實
 者加枳實大黃病壅盛者口眼喎斜不能言語皆用吐
 法宜瓜蒂散稀涎散吐之若服後不吐此為氣不能轉
 者為不可治設或氣虛卒倒者參芪補之挾痰者二陳
 湯加參朮竹瀝與之血虛挾痰者用薑製當歸更加二
 陳竹瀝與之半身不遂此卒多痰亦宜前法二陳調治
 肥白人多濕少加蒼朮瘦人多火多加芩連其或遺尿
 屬氣虛以參芪補之小便不通不可用利藥如熱退自

利設或口不能言者為心絕唇吻手撒者為脾絕眼合
 直視者為肝絕遺尿面墨者為腎絕鼾睡自汗者為肺
 絕此名脫症如止牙關緊閉兩手握固則為閉證閉證
 則可以蘇合香丸黃牛至寶之類灌之如見脫證惟宜
 以大劑理中湯灌之及灸臍下雖曰不治亦可望救十
 中之一若誤投蘇合黃牛等藥即終難活矣蓋斬關奪
 門之將原為閉證設也若施之脫證如人既入井又下
 之石矣世人陷此弊而死者不可勝數許學士云氣中
 者亦類中風因于七情所傷暴怒傷陰暴喜傷陽故鬱

凡遇脫症
 法在不治
 惟大進參
 附或可冀
 其萬一

怒不舒氣多厥逆初得便覺牙關緊急四肢逆冷手足
 顫掉而撲去者此中氣也不可同中風論治如以風治
 殺人必矣蓋中風身溫且多痰涎中氣身冷並無痰涎
 中氣宜以蘇合香丸灌之俟醒後以枳桔二陳湯治之
 為妙脉經曰中風脉浮滑兼痰氣其或沉滑勿以風治
 或浮或沉而微而虛扶危降痰風未可疎浮遲者吉急
 疾者粗

愚再按風之中于人也必從外入由其腠理空虛臟腑
 不實故直中于內而無阻滯者也所以中于心則失音

質鑑云凡
 大指次指
 麻木或不
 用者三年
 內有中風
 之患宜服

不言中于肝則眼合難開中于肺則自汗不收而取嚏
 不來中于脾則牙關緊急而探吐不得中于腎則遺尿
 昏倦而醒不知人此為五臟直中之症救之必難若見
 一症尚望收治設或二三經中則邪勝于運死期必矣
 若中經中腑之症口眼歪斜左癱右瘓語言不遂痰涎
 壅盛自汗惡風便溺阻隔此為可汗之症但依經旨而
 治之又有肝木之邪勝脾土之氣衰木能生風而導泄
 脾氣則偶為所中有似中風之症者亦可類中風而治
 之以二陳加減用之可也至若痰壅上者則先吐而後



愈風湯天
麻九薛立
齋云豫防
者當養氣
血節飲食
戒七情遠
幃幙若服
前方適所
以招風取
中也斯言
誠然

中痰壅下者則先便而後中二者皆正氣空虛亦能至
死但少甦醒者可治如昏不知人者難治又有東南之
人皆是濕土生痰痰生熱熱生風如是中者但中之少
緩雖有痰涎壅塞而無言語蹇滯雖有便溺阻隔而無
眼合遺尿用芩連二陳湯從其輕重加減調治可也又
有心事拂鬱偶為大怒所充不能發越一時而中者亦
宜二陳湯清氣豁痰或有內氣不充飲食不調風寒拂
鬱而中者亦宜二陳湯消導寬中亦有勞力太過精神
竭盡而中者其症頭暈自汗汗收而醒宜以補中益氣

湯用治亦有房勞太虛精神斷喪而中者其症冷汗自
來神思昏憤宜以十全大補湯調治由此論之皆類中
風之症亦未嘗有似中風之形也自當分而辨論大抵
真中風之症少類中風之症多真中風者難治類中風
者易治中臟者難治中腑者易治此治之之大端也
治法主意真中風見者決不可治類中風者雖以二陳
湯為主不若治風先治血血實風自滅

中風主方
小續命湯 治中府外有六經之形症 中風自汗
者不可重發汗此藥不可輕用 麻黃 人參
黃芩 白芍 附子 防己 桂枝 川芎 絡七

醫林編覽 卷之十一 中風六

防風一錢 杏仁 甘艸 芎 薑 三片 水煎服

三化湯 治中藏內有便溺之阻隔 厚樸 大黃

枳實 羌活 各等分 水煎服 以利為度

麻仁丸 亦名脾約麻 治腸胃熱燥 大便秘結

厚樸 剉 杏仁 五錢 芍藥 枳實 煨 炒 各 大黃 一 熇 麻仁

大每服二十九丸 臨臥用溫水 下大便 通利則止

二陳湯 理一身之氣 治一身之痰 陳皮 白茯苓

苓 路 分 錢 半夏 二錢 甘艸 五分 薑 三片 水煎服

欲下行 加引下藥 如防己 黃栢 木通 之類 欲上行

加引上藥 如升麻 防風 柴胡 之類

防風通聖散 治中腑風熱 壅盛 裏三焦 皆實 及

諸風等症 防風 川芎 當歸 白芍 大黃

芒硝 連翹 薄荷 葉 麻黃 路 石膏 桔

梗 黃芩 芎 白朮 梔子 荆芥 穗 芎 二活 石

大秦芫湯 治中經外無六經形症 內無便溺 阻隔

血弱不能養筋 故手足不能運動 舌強不能言語

宜養血而筋自榮 秦芫 甘艸 川芎 當歸

白芍 錢 細辛 半 羌活 防風 黃芩 白芷

白朮 生地 熟地 芎 獨活 白茯苓 石

膏 鎔 一 夏 春 加 知 母 天 陰 加 生 薑 三 片 心 下 痞

羌活愈風湯 羌活 甘艸 防風 防己 黃芪

蔓荊子 川芎 獨活 細辛 枳殼 麻黃 袞

地骨皮 人參 知母 甘菊 花 薄荷 葉 白

芷 枸 杞 子 當 歸 杜 仲 炒 秦 芫 柴 胡 半

夏 厚 樸 薑 製 前 胡 熟 地 黃 錢 二 白 茯苓 黃

芩 錢 三 生 地 黃 蒼 朮 石 膏 芍 藥 錢 各 四 官 桂

調胃承氣湯 治大陽陽明不惡寒 反惡熱 大便閉

結 讜 語 嘔 渴 日 晡 潮 熱 脈 實 者 大 黃 五 錢 芒 硝

犯上焦也 當歸 二錢 川芎 五分 白芍 地黃 錢 各 五

十全大補湯 茯苓 錢 二 人參 五 分 炙 甘 艸 五 分 黃 芪

投 甘 艸 二 錢 人參 五 分 炙 甘 艸 五 分 黃 芪

投 甘 艸 二 錢 人參 五 分 炙 甘 艸 五 分 黃 芪

投 甘 艸 二 錢 人參 五 分 炙 甘 艸 五 分 黃 芪

投 甘 艸 二 錢 人參 五 分 炙 甘 艸 五 分 黃 芪

肉桂 水煎服
四物湯 補血要藥 當歸 二錢 川芎 白芍

大承氣湯 治陽邪入裏上中下三焦皆病痞滿燥
實堅皆全胃實讞語五六日不大便者可服并治

少陰舌乾口燥日肺發熱脈沉實者
大黃五錢 枳實 厚樸 枳殼 芒硝 五錢 右水先

煎枳實數沸次入硝黃煎一沸溫服以利為度
枳桔二陳湯 枳殼 桔梗 陳皮 白茯苓 半

四君子湯 補氣要藥 白木 茯苓 各二錢 人參 錢一

瓜蒂散 一名獨聖散 治中風膈實痰盛及諸癰痰
飲壅溢等症 甜瓜蒂一兩炒黃色右為細末每

服五分或服一錢量人虛實用之以酸漿汁調下
以吐為度吐罷宜服降火藥利氣安神定志藥

稀涎散 治中風痰涎壅盛口眼歪斜隔塞不通等
症 白明礬 生半兩 猪牙皂角 四錢 麩黃 看為

蘇合香丸 治傳屍骨蒸症忤鬼氣卒心痛霍亂吐
利時氣鬼魅瘴癘疫痢瘵血月閉痲痺丁腫驚癇

中風中氣痰厥昏迷等症
白木 青木香 犀角 香附 炒去 硃砂 水飛 訶

梨勒 煨取檀香 安息 蘇合香 麝香 丁香
葦撥 龍腦 薰陸 香別 研蘇合香 麝香 右為

細末研藥勻用安息香膏并蘇合香油煉蜜和丸
如彈子大以蠟圓固緋絹當心帶之一切邪神不

敢近
牛黃至寶丹 治中風不語中惡氣絕中諸物毒疫

毒瘴毒蠱毒產後血暈口鼻血出惡血攻心煩躁
氣喘吐逆難產悶亂死胎不下並用童便薑汁磨

服又療心積熱嘔吐邪氣攻心乾燥傷寒識語
恍惚頭目昏眩眠睡不安唇口乾燥傷寒識語

人參 天竺黃 生烏犀屑 研硃砂 研飛 雄黃 飛水

生玳瑁 研琥珀 各五 牛黃 麝香 龍腦 硃砂 研飛 雄黃 飛水

藥牛 銀箔 十片 各五 牛黃 麝香 天南星 水煎 各半兩 安息

醫林秘要 卷之十一 中風入 可

香去一兩半 犀玳瑁為細末入餘藥研勻將安息香膏重湯煮
 焯入諸藥中和搜成劑盛不淨器中並旋丸如桐
 子大用人參湯化下三九至五九
 理中湯 人參一錢 炙甘草八分 乾薑五錢 白朮二錢
 水煎服

芩連二陳湯 黃芩 黃連 陳皮 白茯苓

半夏 甘艸 水煎服

補中益氣湯 治中氣虛弱飢困勞倦

黃芪 人參 白朮 當歸 炙甘草

陳皮 升麻 柴胡 水二盞薑棗同煎食

遠服

傷風

此言秋冬與之辛溫也

河澗曰傷風之症或頭疼項強肢節煩痛或眼脹肌熱
 嚏嘔鼻塞或頭眩聲重咳嗽有痰或自汗惡風心煩潮
 熱其脈陽弦而滑陰濡而弱此邪在表冬月宜桂枝湯
 若汗出而加項強者桂枝葛根湯或傷風無汗者當作
 傷寒治之可用紫蘇麻黃不可用桂枝芍藥恐有變證
 或已服桂枝及煩而不解無表症者刺風池風府宜以
 雙解散免致有桂枝麻黃之誤大抵傷寒惡寒傷風惡
 風理必然也蓋風善傷衛然衛者陽氣也陽與陽合則

此言春夏
與之辛涼
也

客之而入于腠理及疎而不能衛護必自汗而惡風也
然用桂枝以實其表使身汗自斂風邪自出此仲景之
大法也否則無汗而過用之非惟痰火所生亦且吐血
煩燥咽痛之証變矣戒之戒之若或飲食過傷又兼傷
風者必用內傷外感治之宜以二陳湯加蘇葛白朮山
查或感冒而肢體重痛痰涎不利者宜以二陳加蒼朮
乾葛或起居不時房勞之後以至感傷者亦宜二陳湯
加參朮歸蘇或傷風兼傷寒者宜以十神湯大解其表
在夏月羌活冲和湯亦可或風傷兼裏症者宜以防風

通聖散或小兒傷風咳嗽有痰用二陳加桔枳前胡表
實者加紫蘇表虛者加白朮許學士云傷風惡風非防
風不能治其風自汗有汗非甘草不能治其汗頭痛者
必用川芎項強體痛者必加羌活身痛體重者可用蒼
朮肢節腰痛者可加獨活目痛鼻乾不眠者必用黃芩
有熱者須加前胡乾葛此千載不易之良法也錄之
愚再按有汗惡風者為傷風吾見傷風無汗而惡風者
亦有之矣但頭痛身熱而與傷寒相同鼻塞聲重自與
傷寒為異耳傷風乃背惡風見風則噴嚏不已傷寒惡

傷風二

傷風要語
而泄解是
風邪從汗

寒乃一身俱惡雖近温煖不除傷風避風而居温煖之室則熱得發越而自汗多來風可解矣故曰風從汗泄邪從汗解所以傷風之症用參蘇飲葛根湯輕揚以散表二陳湯清痰以止咳或加桑杏以疎泄其肺氣用前芩以清解其邪熱此治之大端也許學士治傷風發散用乾葛乾葛甘寒可以解肌表也否則大解而用麻黃十神則自汗不收必致陽虛而失手切宜記

治法主意有汗當實其表無汗當發其表凡發不可大發也又當以疎泄之

傷風主方

桂枝湯 治太陽中風發熱汗出鼻鳴乾嘔 桂枝	芍藥湯 治太陽中風發熱汗出鼻鳴乾嘔 芍藥	桂枝葛根湯 治太陽中風發熱汗出鼻鳴乾嘔 桂枝 葛根	汗不惡風 治太陽中風發熱汗出鼻鳴乾嘔 芍藥	紫蘇湯 治太陽中風發熱汗出鼻鳴乾嘔 紫蘇 荳蔻	仁桂湯 治太陽中風發熱汗出鼻鳴乾嘔 仁桂 荳蔻	獨活湯 治太陽中風發熱汗出鼻鳴乾嘔 獨活 荳蔻	麻黃湯 治太陽中風發熱汗出鼻鳴乾嘔 麻黃 桂枝	汗而喘 治太陽中風發熱汗出鼻鳴乾嘔 麻黃 桂枝	芍藥湯 治太陽中風發熱汗出鼻鳴乾嘔 芍藥 桂枝	煎一盞 治太陽中風發熱汗出鼻鳴乾嘔 煎一盞 去渣温服	雙解散 治太陽中風發熱汗出鼻鳴乾嘔 雙解散 防風	川芎 治太陽中風發熱汗出鼻鳴乾嘔 川芎 白芍	白芍 治太陽中風發熱汗出鼻鳴乾嘔 白芍 山梔	薄荷 治太陽中風發熱汗出鼻鳴乾嘔 薄荷 當歸	黃芩 治太陽中風發熱汗出鼻鳴乾嘔 黃芩 甘草
----------------------------	----------------------------	---------------------------------	-----------------------------	-------------------------------	-------------------------------	-------------------------------	-------------------------------	-------------------------------	-------------------------------	----------------------------------	--------------------------------	------------------------------	------------------------------	------------------------------	------------------------------

桔梗 麻黃 荆芥 滑石 石膏 雙解散 劉

二陳湯 已見中風 冬月發表要藥 紫蘇葉 白芷 甘艸

芍藥 葱薑煎服取汗 香附 葛根 川芎 升麻 赤

羌活 沖和湯 治四時觸目不正之氣 增寒

壯熱 頭痛 身熱 口渴 羌活 白芷 鴨黃 芩 少 蒼

木 陰 細 辛 少 川 芎 防 風 歸 身 生 地 歸 身 少 陰 芩 蒼

夏 可以 治 熱 春 可以 治 溫 秋 可以 治 濕 是 諸 路 之

應 兵 也 但 于 陰 虛 氣 弱 之 人 當 消 息 用 之 不 可 執

防風通聖散 治中腑風熱壅盛 裏三焦皆實及

諸風等症 防風 川芎 當歸 白芍 石膏 大黃

芒硝 連翹 薄荷 葉 麻黃 芩 石 膏 桔

梗 黃 芩 白 木 梔 子 荆 芥 穗 石 膏 活 石

二錢 甘 艸 三 分 每 加 薑 三 片 水 煎 溫 服

參蘇飲 治傷風發熱 頭痛 咳嗽 涕唾 稠粘

人參 紫蘇葉 乾葛 半夏 製薑 前胡 去苗 桔

梗 去 芦 枳 殼 炒 陳 皮 去 白 茯 苓 去 皮 甘 艸 八 錢

木 香 磨 一 枳 殼 水 鍾 半 薑 五 片 棗 一 枚 煎 八 分 溫 服

葛 根 湯 治 太 陽 無 汗 惡 風 太 陽 陽 明 合 病

葛 根 五 錢 麻 黃 一 錢 桔 梗 芍 藥 甘 艸 六

小 二 鍾 生 薑 五 片 大 棗 二 枚 煎 一 鍾 服

-5 275 35 865" data-label="Text">

麻 黃 十 神 湯 柳 二 麻 黃 汁 麻 黃 桂 枝 杏 仁 去 皮

-45 275 5 865" data-label="Text">

紫 蘇 葉 白 芷 甘 艸 陳 皮 香 附 葛 根

-85 275 45 865" data-label="Text">

川 芎 升 麻 赤 芍 右 病 視 症 輕 重 用 之 薑 棗

-125 275 85 865" data-label="Text">

同 煎 溫 服

以生薑濃煎湯服亦妙大抵一時爲寒所中昏不知人
口噤不言四肢僵直攣急腹痛或吐瀉併作此中天地
殺勵之氣也宜以溫中散寒如二陳湯加薑黃厚樸香
附之類又有浙浙惡寒翁翁發熱汗出而兼惡心嘔吐
者此雖外感之症亦宜溫中散寒可也又有汗出腑臟
虛者房勞元氣弱者勞力精神憊者又因寒之所中于
中也其脈多遲而緊或短而數與上文之症不同此則
內傷外感不足之症也亦宜二陳湯加參朮當歸炒黑
乾薑之屬俱以內托其寒不可擅用表藥以致遇湯吐

著宜細辨

湯遇藥吐藥汗吐齊來內外俱虛脈脫身冷而死
愚再按中寒之症非傷寒外感之症也蓋中天地陰寒
之氣或口食寒冷之物或夜臥陰寒之處或涉水弄冰
或好食魚鮮或強涉風霜或曉行煙露或勞處山嵐或
飢冒雨雪以致腹中作疼作脹或吐或瀉或四肢厥逆
或脈勢沉細或空脫無力是其候也皆因胃氣空虛脾
氣感受然脾居中焦主腐熟水穀喜溫而惡寒喜燥而
惡濕今則陰寒之氣涼冷之物填塞中焦使脾遇寒而
不健使胃遇冷而不行壅于上則吐壅于下則利吐利

不行則腹中絞痛莫之可忍此為寒凝脾胃聚而不出之症也若揮霍變亂危甚風燭或者以外感治之遇湯吐湯遇藥吐藥甚則十日半月吐之不已其人陰極作躁初則口乾欲水飲入即返身熱惡衣去之又冷久則欲於泥水中臥躁煩不已循衣摸牀呃噎不定而死如治此症不可少緩固不可以外感治之尤不可以內傷並論蓋因其內寒不清脾胃受寒若外感傳經之症也非若內傷正氣之不足也此經之寒止在一經能溫脾胃病自除也故千金方之理中湯而治內寒之陰症

要緊要緊

效驗如神若謂脾胃之陰寒參附不可擅用也不若蒼朮二陳湯加白朮香附炒黑乾薑痛甚加吳萸此藥水一鍾煎半鍾徐徐熱服則吐利皆止痛亦除也治妙如神家常秘之今傳後世切勿失也

治法主意陰寒中于脾胃不可作外感尤不可作內傷更不可擅用表藥溫中散寒其病自可


中寒主方七
 理中湯 見中風
 桂枝陳皮
 當歸四逆湯 當歸 桂枝 芍藥 細辛 各一分 甘草
 二陳湯 見中風
 水鍾半大棗三枚煎七分服

醫林編墨

中寒三

向山堂

醫林細墨 卷之 其加藥詳本症 向山堂



傷寒

原病式曰春氣溫和夏氣暑熱秋氣清涼冬氣凝寒此
四時之正氣也冬氣嚴寒萬物潛藏君子固密不傷于
寒夫觸冒之者乃為傷寒耳又有傷於四時不正之氣
皆能致病亦以為傷寒也有寒毒藏于肌膚至春變為
溫病夏變為熱病此熱極重於溫也是以辛苦之人春
夏多有皆因冬時犯冒之所致非時行之氣也非時行
者春時應暖而反寒夏時應熱而反涼秋時應涼而反
熱冬時應寒而反溫非其時而有其氣是以一歲之中

邪束于
大則立
兩陽氣
不微越
而為執
則執

傷寒一 向山堂

退

三陽為表
屬肺邪未
入臟故可
汗而解二
日而後其
邪在裏故
下之而愈
如三陽三
陰傳遍則
邪當自解
皆過經不
解是五臟
六腑皆受
病矣此名

兩感榮衛
不行氣竭
于內有死
而已

病無少長多相似者此則時行之氣也若夫真傷寒者乃自冬月寒蓄在內隱而不發交春之時陽為外出遇風入于腠理與正氣相爭引出所蓄之邪以致一二日病在太陽經則頭疼惡寒腰背強重此為邪氣在表宜發表出汗即愈三四日病在少陽經寒熱往來胸脇脹滿口燥咽乾此為半表半裏邪在膽經膽無出入之道路宜和解則愈五六日病在陽明經氣結在臟故腹脹舌胎謔語味實當下之則愈此治法之大畧也設或一日至二三日表解未盡但有頭疼惡寒而表不解者其

脈必大而浮數仍宜解表一日至三四日用表藥而表已解頭疼已除但胸滿腹脹惡熱而不惡寒者其脈必實而沉數亦宜下之不必拘于日數也如診其脈右手不沉實者則不可下下之必死設若人事精神脈勢稍有力者但可與黃連枳實之劑挨之慎勿輕與大黃下也又論傷寒本為殺勵之氣大凡霜降後至春分前感寒而即病者名曰傷寒不即病則鬱藏其寒而成溫熱之症若夫冬月天令溫煖而感之者是為冬溫也如春時天令溫煖而壯熱為病者乃真溫病也如天氣尚寒

冰雪未解感寒而病者亦曰傷寒若春末夏初之間天氣暴熱而感之此乃時行疫癘之氣也如夏至時壯熱脈洪者謂之熱病也然又有溫疫溫毒溫瘧溫濕傷風風濕暑成濕溫數種可別濕熱可分亦有寒痰脚氣食積勞煩四証亦似傷寒治不知此而悉皆以傷寒治之則殺人多矣且如溫病熱病乃因伏寒而變既變不得復言為寒也其寒疫者乃天時暴寒與冬時嚴寒也又有輕重之不同其時氣者是天行疫厲之氣又非寒此也濕病乃山澤所受濕霧之氣暑乃夏月炎燥之氣風

陶節庵辨
之詳矣不
可不細細
查審

乃天地殺厲之氣皆能中人但中者中入腑臟所以為重也傷者傷于肌表所以為輕也然風瘧風濕等症自有仲景正條今不再贅又係傷寒變症各有所因不得與傷寒而同日語也苟症與名之不辨欲望治之盡善得乎幸東垣發內外傷辨之論救千古無窮之失其功甚大故丹溪有云千世之下得其粹者東垣一人而已抑嘗考之仲景治傷寒著三百九十七法一百一十三方觀其問難明分經絡施治之序緩急之宜無不反復辨論首尾貫該雖後世千方萬語終難違越矩度然究


虛實二字
傷寒提綱
蓋正氣實
者多見陽
脈正氣虛
者多見陰
脈

傷寒八九
日來口不
能言目不
能視體不
能動四肢
逆冷六脈
皆無自似
陰虛如以
手按腹護
痛眉顴作

禁及按其
足跌陽穴
大而有力
者乃腹有
燥糞也與
大承氣湯
下之勿誤
作陰醫
傷寒煩燥
面赤昏亂
悶絕于揚
足擲時索
冷水及脘
其脈浮大
沉小乃陰
症似陽也
與附子理
中湯加人

其大要無出乎表裏虛實陰陽寒熱八者而已若能究
其的則三百九十七法總能瞭然于胸中何以言之蓋
症有表有裏有表實有表虛有裏實有裏虛有表裏俱
實有表裏俱虛有表寒裏熱有表熱裏寒有表裏俱寒
有表裏俱熱有陰症有陽症有陰症似陽有陽症似陰
有陰勝格陽有陽極變陰病各不同要當明辨而治之
其脈浮緊無熱惡寒身疼而無汗者表實也宜麻黃湯
以汗之若脈浮緩發熱惡風身疼而有汗者表虛也宜
桂枝湯以和之設或腹中鞭滿大便不通譫語潮熱脈

來沉實者裏實也宜大柴胡湯及小承氣湯之類下之
或腹鳴自利有寒無熱裏虛也宜理中湯溫之如表裏
俱實者內外皆有熱也其脈浮洪身疼無汗宜通聖散
汗之若口渴飲水舌燥脈滑者人參白虎湯主之若脈
弦大而滑者小柴合白虎主之如表裏俱虛自汗自利
者宜人參三白湯或黃芪建中湯加人參白朮脈微細
足冷者加附子以溫之如表寒裏熱身冷厥逆脈滑數
口燥渴宜用白虎湯如裏寒表熱面赤煩燥身熱自利
清穀脈沉者以四逆湯溫之如表裏俱寒而自利清穀



參煎成入
并水冷與
飲不可誤
作陽治
凡人頭痛
時作時止
三四日熱
退而脈不
浮緊又不
沉實惟心
部大而滿
此勞心而
虛煩乃類
傷寒也宜
與歸脾湯
而安不可
誤作寒治

身疼惡寒者先以四逆救裏後以桂枝治表如陰症發
熱則脈洪數而躁渴不可伐陽此陰症見陽也生可得
矣陽症或脈空脫手足搐搦譫語者此陽症見陰也終
死危矣大抵麻黃桂枝之屬汗而發之葛根升麻之屬
輕而揚之承氣陷胸之屬引而竭之瀉心十棗之屬滿
而泄之在表者宜大汗之在裏者宜審而下之半表半
裏宜和解之表多裏少者和而少汗之裏多表少者和
而微下之在上者吐之中氣虛而脈微者溫之全在活
法以施治也若表裏汗下之法一或未當則死生在反

也

掌之間可不慎哉可不慎哉
愚再按傷寒溫疫等症初起之時冬月麻黃湯春秋十
神湯夏用人參敗毒散加紫蘇此則一二日之藥若至
三四日之間查樸二陳湯加紫蘇夏則去紫蘇加葛根
五六日來方可小柴胡湯若此湯用之太早有滯寒邪
則寒反重必至二七方解若七日之時用小柴胡去芩
加葛根此名柴葛解肌湯助戰最易至于當戰之時切
不可用藥舊戰汗分為四證而書並無一方載于戰下
大卒臨戰只以薑湯熱服重加衣被得汗就涼如元虛

凡察陰症
不論熱不

不能食薑湯以熱粥湯助之此治之之大法也設若當汗之時心煩躁擾不欲蓋被將手亂行必至謔語自汗又不可大加衣被元本不足取氣不來則悶之而死此戰之症深為大事不可輕視並輕許無事雖戰後其熱不退有微汗者又未可言其凶也若汗後大熱此則為汗後不解之症終必難治謹之如傷寒二三日不可就與小柴胡四五日見胸膈滿悶就行挨下黃連枳實之劑反將輕病變重重病變死此用治之不當也吾嘗見陽症下之早者乃為結胸陰症下之早者因成痞氣當

熱惟憑脈
斷自無不
當亦不論
大小沉浮
但指下無
力重按全
無便是伏
陰

汗不汗即生黃疸不當汗而重發其汗因作瘧病汗多或有亡陽之變手足厥逆下過亦有陰虛之危自利不止可水而不與之水則謔狂妄作不可與水而與之水則水停心下當溫而不與之溫則吐利並行心腹疼脹不當溫而與之溫則吐衄隨行心煩燥擾或當溫而與之表則嘔逆大熱當表而與之溫則口燥咽乾當溫而與之水則呃逆妄行當水而與之溫則痰熱妄起當利小便而不與之利小便則小腹脹而黃病作不當利小便而反利之則小水頻而津液少當燥而不與之燥則

傷寒六
向山堂

一身盡痛不能轉移不當與燥而與之燥則煩渴不已
後生懊憹當補而不與之補則正氣空虛邪熱反甚不
當補而與之補則胸滿氣急咳嗽痰多當瀉而不與之
瀉則邪熱愈甚煩渴不已不當瀉而與之瀉則自利不
止惡心嘔逆當熱而不與之熱則胸滿氣結嘔逆上攻
不當熱而與之熱則咽噎腫痛痰涎不利當涼而不與
之涼則自汗惡風邪熱反甚不當涼而與之涼則汗閉
腠理癢疹毒見凡舉數條俱醫家用藥之誤也罪可逃
乎哉吾又驗之胸滿而不渴者當溫而不可用寒似瘧

而煩渴者當清而不可用溫咳嗽有痰因傷肺氣挾熱
自利治可清涼脈不沉實不可強下下之必死脈不沉
緊不可強汗汗之懊憹虛弱者當補而不兼補後必變
重實滿者當下而不及下收成亦難應下而脈不沉實
者下之亦死心汗而脈虛弱者汗之必難戰不得汗不
可強助無汗即死當戰不得用藥用藥有禍無功要助
其汗依前說多用薑湯當表不可畏縮表盡邪退雖慮
元虛正復自可此治傷寒之要法不可畏難苟安因小
失大不可糊塗亂行以安易危又不可將難視易不為

細心如見死症或見死脉便須讓人不可自專以防收
 手之難也且如發散之時用藥一二劑汗不得來就是
 涉手之症或大汗不解復反大熱終必難治至若汗後
 宜乎脉和脉不和緩而勢力反硬者後必變重又有汗
 後大熱不淨脉勢短緩躁亂不寧舌無津液其人七日
 當戰戰不過而死又有脉勢虛大大而無力者亦死又
 有脉勢散亂者必死又有脉勢歇至者亦死又有手診
 脉時抽徹不定者死又有手診脉時強硬翻動者死呢
 逆不止者死氣急痰喘者死下後脉大譫語者死凡此

此後分門
 別類條悉
 甚細

死症不可枚舉今為畧舉一二以明治症之可否人肯
 熟讀而詳味之必不致臨症攢然無措矣若夫症之名
 結胸者病發于陽而反下之熱入裏也如按則痛小結
 胸也小陷胸湯主之不按亦痛大陷胸也大陷胸湯主
 之懊憹躁結實熱結胸也三黃瀉心湯主之血結胸者
 小腹滿小便不利抵當湯主之飲水不散水結胸也小
 半夏茯苓湯主之用陷胸等藥不效者以枳實理中丸
 治之痞者滿而不痛病發于陰而反下之因作痞也輕
 者枳桔湯主之胸滿脉濡半夏瀉心湯主之手足温按



之濡關上浮者黃連瀉心湯主之乾嘔有水氣生薑瀉
心湯主之下利腹鳴甘草瀉心湯主之胃寒欬逆理中
湯主之關脈沉緊大柴胡湯治之黃疸者太陽中濕身
體面目發黃也往來寒熱一身盡痛發黃者小柴胡加
梔子湯主之發熱頭汗渴欲飲水小便利大便快發黃
者五苓散加茵陳湯主之小便不利四肢沉重似瘧不
欲飲發黃者茵陳五苓散主之傷冷脈虛小便如常變
爲陰黃者理中加茵陳湯主之下之大過脾虛津竭飲
水自傷此陰濕變黃也茵陳茯苓湯茵陳四逆湯治之

至于瘧病症有剛柔故分陰陽脈浮緊數仰面開口者
爲陽脈沉細濇合面閉目者爲陰陽瘧易治陰瘧難治
通用小續命湯剛瘧去附子柔瘧去麻黃主之陰瘧厥
逆筋脈拘急汗多桂心白朮散主之閉目合眼附子防
風散主之胸滿口噤臥不着席咬牙攣急大承氣湯主
之頭項強小腹滿小便不利五苓散主之風盛血燥防
風當歸散治之汗多亡陽者桂枝附子湯主之手足厥
逆者理中吳茱萸湯主之小利不止者陰虛也亦理中
湯吳茱萸湯主之胃熱乘心神識昏冒實則譫語虛則

鄭聲譫語聲高鄭聲低小其已發汗身和譫語柴胡桂枝湯主之腹滿微喘口乾咽爛譫語白虎湯主之身熱汗出胃實與下利譫語調胃承氣湯主之陽毒發熱毒在胃併于心則神志不定而狂其陽毒發狂眼赤脉洪口渴三黃石膏湯主之三陽熱極脉大身熱發狂黃連解毒湯甚者承氣湯汗吐下後虛者人參白虎湯加辰砂主之陽勝陰絕發狂譫妄面赤咽痛發癍脉洪實或滑促宜酸苦之藥收陰抑陽大汗而解葶藶苦酒生艾湯治之如水停心下五苓散主之吐利並行心腹疼痛

者建中湯或桂枝芍藥湯主之吐衄隨行心煩燥擾者服桂枝湯吐衄則犀角地黄湯主之加煩燥者辰砂五苓散主之嘔逆大熱者甘草瀉心湯主之口燥咽乾不甚渴小柴胡湯主之渴則白虎加人參湯主之呃逆妄行四逆湯主之痰熱妄起小柴胡去參棗主之小腹脹茵陳蒿湯或五苓散主之一身盡痛不能轉移發熱惡寒者桂枝湯主之發熱面黃二便反利者甘草附子湯主之發熱發黃頭汗出背強小便不利濕也茵陳五苓散治之煩渴不已自生懊懣者咽燥腹滿而喘發熱汗

出虛煩不眠惡熱鬱閉梔子豉湯主之下後懊憹有燥
屎承氣湯主之短氣煩躁懊憹大陷胸湯主之陽明無
汗小便不利懊憹發黃茵陳蒿湯主之不當補而與之
補則胸滿氣急咳嗽痰多枳桔理中湯主之凡此症候
不可不知又有兩感者雖表裏不可並攻陰陽難同一
法十有九死東垣以氣實而感之淺者謂猶或可治則
救之以大羌活湯併病者始則二陽合病後則一陽病
衰一陽邪盛歸併于一經故曰併病也太陽陽明併病
太陽病發汗不徹轉屬陽明續自微汗出不惡寒後復

歸併太陽不惡寒面色拂鬱痛無常處當再汗之當用
麻黃湯太陽症未罷桂枝麻黃各半湯太陽症罷但見
陽明症者下之大承氣湯太陽少陽併病頭痛太陽眩
冒心下痞則當刺肺俞肝俞大椎慎勿下合病者兩經
三經齊病不傳者為合病三陽合病腹滿身重口中不
和譫語遺尿不可汗下白虎湯太陽陽明合病脈浮長
大便鞭小便利脾約丸惡寒者升麻葛根湯不惡寒反
惡熱大便通者亦白虎湯大便秘譫語者調胃承氣湯
喘而胞滿不可下麻黃湯嘔不下利葛根加半夏湯太

陽少陽合病脈浮弦脇下鞭往來寒熱小柴胡湯自下
利者黃芩湯嘔者黃芩加半夏生薑湯少陽陽明合病
脈弦長因發汗因利小便胃中燥實亦調胃承氣湯有
宿食大承氣湯而其可易者則舌胎當辨也邪在表
者舌上無胎邪有半表半裏者胎白而滑邪傳裏則乾
燥熱澀則黃熱極則黑舌上有白胎者小柴胡湯舌上
胎滑者小柴胡去半夏加人參括蕪湯如腹痛理中湯
熱聚于胃則舌黃承氣湯若舌純黑死症也然有二種
有火極似水者爲熱極大承氣湯有水來尅火者爲寒

極脈症必寒附子理中湯七八日不解熱結在裏表裏
俱熱時時惡風舌燥欲飲水數升則白虎湯加人參與
之若勞復者非但強力持重卽梳沐微勞及七情皆復
也脈虛則用補中益氣湯麥門冬湯挾外症者則謂之
復非爲勞也小柴胡湯其食復乃新瘥胃虛食稍多則
復腹滿脈實煩熱便秘大柴胡湯輕者二陳湯加山查
麥芽砂仁神麩消導後熱不退補中益氣湯又有陽症
見陰脈者死脈浮而滑身汗如油水漿不入喘息不休
者死舌卷囊縮者死結胸症悉具煩躁者死脈陰陽俱

虛熱不止者死七八日以上大發熱者死

治法主意表不可畏縮下不可妄投

傷寒主方

麻黃湯

俱見傷風

桂枝湯

治身熱不惡寒反惡熱大便秘

大柴胡湯

柴胡二錢 黃芩 芍藥 半夏 枳實 水二鍾薑三片棗一枚煎一鍾熱服

小承氣湯

治六七日不大便腹脹滿病在陽明無表症汗後不惡寒狂言潮熱而喘 大黃七錢 枳實 厚樸 各五分 水二鍾煎一鍾熱服以利為度邪在上焦則作滿邪在中焦則作脹胃中實則作潮熱陽乘于心則狂熱于胃口則喘本方除芒硝欲其無干于下焦也

實厚樸

各五分 水二鍾煎一鍾熱服以利為度邪在上焦則作滿邪在中焦則作脹胃中實則作潮熱陽乘于心則狂熱于胃口則喘本方除芒硝欲其無干于下焦也

度邪在上

焦則作滿邪在中焦則作脹胃中實則作潮熱陽乘于心則狂熱于胃口則喘本方除芒硝欲其無干于下焦也

作潮熱陽

乘于心則狂熱于胃口則喘本方除芒硝欲其無干于下焦也

理中湯

俱見中風

人參白虎湯

治赤斑口燥煩渴中暈

小柴胡湯

治少陽經往來寒熱胸滿脇痛心煩喜嘔 柴胡 芍藥 黃芩 人參 甘草 半夏 枳實 水二鍾煎一鍾熱服

白虎湯

治憎寒壯熱口渴一身疼痛陽明經 石膏 知母 甘草 粳米 水二

知母

甘草 粳米 水二

鍾煎一鍾

溫服

人參三白湯

治表裏俱虛自汗大便利者 人參 白朮 白茯苓 澤瀉 右用燈心一握

生薑二片

水煎服

黃芪建中湯

傷寒身痛汗後身痛脈弱宜服 黃芪 芍藥 桂枝 甘草 生薑 水二鍾煎一鍾去渣入錫一大匙

煎一沸

服若微溏利或嘔者不用錫

四逆湯

治太陰自利不渴陰症脈沉身痛 附子 甘草 乾薑 水鍾半煎八分服

承氣湯

已見中風

理中吳茱萸湯 治太陰自利不渴痰多而吐或手足厥冷胸滿煩躁 人參 白朮 乾薑 甘草

葛根湯 已見傷風 大棗 水煎溫服

升麻湯 治無汗而喘小便不利而煩渴 升麻 蒼朮 麥門冬 麻黃 黃芩 大青 石膏

瀉心湯 黃連一兩去鬚為極細末每服一字至半錢一錢臨臥溫水調下 海藏云易老單方瀉心

十棗湯 治痞硬脇痛乾嘔短氣汗出不惡寒 芫花 甘遂 大戟 水鍾半先煎大棗十枚取八分入藥末七分平旦溫服若病不除再服五分

十神湯 見傷風 人參 羌活 桔梗 去芦 柴胡 前胡 獨活 枳殼 炒 川芎 茯苓 甘草 錢 水鍾半薑三片煎服

查樸二陳湯 山查 厚樸 陳皮 白茯苓 半夏 夏 甘草 加生薑三片水煎服

柴葛解肌湯 柴胡 黃芩 半夏 葛根 白芍 水煎服

小陷胸湯 治小結胸 黃連 五錢 半夏 三錢 實 二錢 水二鍾煎一鍾入

大陷胸湯 治大結胸手不可按此藥極峻 芒硝 四錢 芒硝 三錢 甘遂末 三分 水二鍾煎一鍾入

三黃瀉心湯 治心痞實熱狂燥面赤亦治三焦火 盛消渴 黃連 黃芩 大黃 等分水煎服

抵當湯 治血結胸膈語小腹滿漱水不入 水蛭 蟅蟲 各十枚 桃仁 十枚 大黃 八分 水二鍾煎一鍾熱服

小半夏茯苓湯 治水結胸 半夏 四錢 白茯苓 二錢 水二鍾煎一鍾入薑汁熱服

枳實理中丸 治寒實結胸 枳實 枳殼 乾薑 白朮 甘草 人參 茯苓 各一兩 為末蜜丸彈子

大熱湯化下連進二三服

枳實湯治胸痺心下堅痞胸背拘急心腹不利

枳實五分炒白茯苓去皮前胡去芦陳皮去白各木

食前温服右吹咀水一大鍾薑三片煎五分去渣

半夏瀉心湯半夏一錢黃連五分人參甘草

黃芩乾薑錢一水鍾半生薑五片棗五枚煎

八分温服黃連生地知母各錢一分甘草五分

黃連瀉心湯黃連水鍾半煎八分服

生薑瀉心湯治下痢心下痞腹中雷鳴生薑

半夏瀉心湯半夏二錢洗各錢一分甘草炙黃芩人參各錢一分乾薑黃

甘草瀉心湯治傷寒中風醫反下之其人下利日

數十行米穀不化腹中雷鳴心下痞硬而滿乾嘔

心煩不安醫見心下痞謂病不盡復下之其痞益

甚此非結熱但以胃中虛客氣上逆故便硬宜此

湯治之甘草二錢半夏一錢黃芩乾薑各錢二分

黃連人參各錢五分大棗水煎温服

梔子湯治時毒大便秘塞脈沉數鬱金枳殼

各等分升麻山梔子仁炒大黃煨牛旁子炒研

五苓散治煩躁小便不利而渴澤瀉五錢白朮

赤茯苓猪苓錢一肉桂五分熱甚去桂加黃芩

入分薑一片棗二枚煎服或為細末每服二錢白

湯調下亦可茵陳蒿三錢大黃錢二

茵陳湯治頭汗出欲發黃茵陳蒿三錢大黃錢二

梔子三枚水二鍾煎一鍾服

茵陳五苓散頭汗出發黃秋疫癘及黃疸

茵陳三錢五苓散二錢每服二錢米湯調下

茵陳茯苓湯茵陳半夏湯泡赤茯苓去皮陳皮

各一錢枳實桔梗去芦甘草各錢一分大鍾薑七

片煎服不拘時治陰黃四肢厥冷茵陳一錢甘草

茵陳四逆湯附子一錢乾薑五錢水煎温服

小續命湯見中風

桂心白木湯 治傷寒陰瘕手足厥冷筋脈拘急汗

出不止 白木 防風 甘草 桂心 川芎

附子 各等分 水二鍾 生薑五片 棗二枚 同煎至

七分去渣溫服

附子防風湯 治傷寒陰瘕閉目合面手足厥逆筋

脈拘急汗出不止 附子 防風 柴胡 各入白

木 五分 桂心 茯苓 乾薑 各五分 五味子 甘草

各四分 水二鍾 生薑五片 同煎溫服

大承氣湯 見中風 治發汗過多發熱頭面搖卒口噤背

防風當歸湯 治發汗過多發熱頭面搖卒口噤背

反張者太陽兼陽明也宜去風養血 防風 當

歸 地黃 川芎 各等分 水三鍾 煎二鍾溫服

桂枝附子湯 治風濕身疼脈浮虛澹 桂枝湯加

柴胡桂枝湯 治風溫汗後身熱心下煩熱妨悶動

氣 柴胡 二錢 桂枝 一錢 甘草 七片 人參 一錢 半

夏 炒芍藥 各七錢 黃芩 一錢 生薑 五片 水二鍾 棗

二枚煎一杯溫服

調胃承氣湯 見中風 春夏溫熱病至六七日舌燥目赤斑

三黃石膏湯 後用此神效 麻黃 石膏 三錢 黃芩 水煎熱服

黃連解毒湯 治大熱乾嘔譫語呻吟不眠 黃連

三錢 黃芩 黃柏 梔子 各一錢 水煎熱服

葶藶苦酒生艾湯 發狂煩躁面赤咽痛大下傷血

身熱脈澹 葶藶 五錢 苦酒 半碗 艾汁 半碗 煎

建中湯 治表虛自汗 芍藥 五錢 官桂 甘草 各

錢二 桂枝 芍藥 湯 傷寒三四日心悸而煩少陰

惡寒手足踈而濕 桂枝 一錢 芍藥 二錢 甘草 六

錫糖 三匙 生薑 五片 大棗 一枚 水鍾半煎八分

納錫令化溫服

犀角黃連湯 治狐惑 犀角 一錢 黃連 二錢 烏梅

四個 木香 三分 水煎入犀角木香汁勻服

辰砂五苓散 治表裏未解頭痛發熱心胸鬱悶唇

傷寒十六

傷寒

口乾焦狂言見鬼小便閉 五苓散加辰砂水研細

甘草附子湯 風濕小便不利大便反快 甘草炙

附子 治吐下後心中懊憹大下後身熱不去

梔子 治心下痛 肥梔子 四枚 香豉 五錢 水二鍾煎梔

枳椇 理中湯 枳椇 枳椇 加 人參 白朮 枳殼

大羌活湯 治兩感元氣實感之輕者可活 防風

羌活 獨活 防己 黃芩 黃連 蒼朮 白朮

木 甘草 細辛 知母 川芎 生地 黃芩 白

桂枝 每服五錢 水二鍾煎一鍾熱服之未愈連服

桂枝麻黃各半湯 治太陽脈浮發熱汗身疼

水四鍾生薑三錢大棗四枚煎二鍾分三服

脾約丸 治津少大便秘 大黃 枳實 厚樸

白芍藥 各五錢 麻子仁 一兩 杏仁 三錢 為末蜜丸

升麻葛根湯 治傷寒陽明實熱發斑麻疹已出未

出皆可服亦治瘟疫無汗發熱口渴 升麻 葛

根 白芍 甘草 各等分水二鍾煎一鍾寒多

熱服熱多溫服 黃芩湯 太陽少陽合病脇熱下利 黃芩 三錢 芍

藥 甘草 一錢 水鍾半棗二枚煎一鍾熱服 黃芩湯加半

黃芩加半夏生薑湯 治乾嘔而利 黃芩湯加半

夏生薑 等分水煎熱服 人參 白茯苓 麥門冬

人參 括蕒湯 棗二枚水煎服 白茯苓 麥門冬

以此誤人者多矣

病之表裏症之虛實藥之寒溫治之補瀉但見表症即用解表之藥寒証即用清涼之藥每每治之無方用之失當不惟表之不解亦且引邪入經而成傳變之禍誠可痛哉愚為考之麻黃湯為大表之藥在冬月春初可用如春末夏初用之則汗不止也以為表虛之症桂枝湯傷風必用之藥若傷寒見風有汗而寒不解如用桂枝方可鼻塞聲重咳嗽有痰豈可輕用桂枝湯者乎九味羌活湯陶上文以為羌活冲和湯用治四時不正之傷寒以為神藥百發百中也以吾論之在夏月多汗之

辨論詳悉

一部湯頭

時可用若春秋以為解表內有生地黃芩則苦寒並行而表豈可得解者乎十神湯此春初秋末之藥也若冬時亦可用之如夏秋有汗之際用之又不當也二陳湯風寒不清值生痰喘氣急咳嗽之症無不驗也若兼火症用又不通必加芩連名為芩連二陳湯也治火始可或有風溫濕溫瘧溫疫俱是有汗之症若欲解表不宜大汗者也必須二陳湯加蒼朮名之曰蒼朮二陳湯中氣不清胸膈滿悶可加枳桔名之曰枳桔二陳湯飲食太多胸腹作脹可加麩蘖名之曰麩蘖二陳湯至若

參蘇飲在小兒元氣虧薄老人正氣虛弱婦人胎產受
寒病後元氣不足雖有邪寒不可大表與此等劑乃輕
揚發散之也人參敗毒散勞力感寒之用荆防敗毒散
雜科發散之藥正氣散元虛稍感風寒不換金正氣散
感寒將欲入裏藿香正氣散又兼內傷而外感逍遙散
婦人胎產受寒防風通聖散表裏兩行之藥在痢疾外
科可用五積散專攻內傷重而外感輕芎芷香蘇散兼
治風熱甚而頭痛如破十味芎蘇散治天道和煖無汗
之風寒升麻葛根湯除少陰初起之咽痛紫蘇解肌湯

論方詳而
該

治半表半裏之風寒金沸草散清時行之寒疫敗毒散
除大頭之風寒又有蝦蟆溫非二陳清痰去熱不可治
吐瀉感寒非二陳溫中散寒不可行此則有是症服是
藥也大凡臨症之時不可妄行當病之際不可錯亂不
可視其傷寒爲重風寒爲輕殊不知風寒不散傷寒之
由傷寒變重用藥之誤也治醫者可不察歟

風寒主方

麻黃湯

桂枝湯

九味羌活湯卽羌活沖和湯

十神湯俱見傷風

枳實二陳湯 枳實 陳皮 白茯苓路分 錢半夏

醫林繩墨

卷之一 風寒三

三

向山堂

二錢甘草五分 薑三片水煎服

參蘇飲 見傷風 薑三片水煎服

二陳湯 見中風 蒼木 厚樸 陳皮 半夏 甘草

蒼樸二陳湯 蒼木 厚樸 陳皮 半夏 甘草

白茯苓 薑三片水煎服

荆防敗毒散 荆芥 防風 羌活 獨活 前胡

柴胡 枳殼 桔梗 白茯苓 人參 獨活 甘草 半

右為末 每服三錢 加生薑三片 水鍾半煎至一鍾

溫服或沸湯點服亦可 此藥治瘟疫四時表症效

正氣散 蒼木 半夏 厚樸 陳皮 藿香 炙甘草

薑棗煎服 不換金正氣散 治四時傷寒溫疫時氣頭疼壯熱

腰背拘急 山嵐瘴氣 寒熱往來 霍亂吐瀉 臍腹虛

寒下痢赤白 蒼木 藿香 橘皮 去白 半夏 麩 炒 厚樸

薑製 藿香 錢 二 甘草 錢 一 水 二 鍾 生 薑 五 片 紅

棗二枚煎至一鍾 食前溫服 忌生冷油膩毒物 藿香正氣散 治四時不正之氣 增寒壯熱 大腹

皮 茯苓 白芷 紫蘇 兩 一 陳皮 桔梗 白

木 厚樸 半夏 麩 甘草 兩 二 藿香 三 兩

逍遙散 治脾肝血虛 煩熱 體痛 口乾 盜汗 嗜臥 并

治月水不調 寒熱如瘧 痰嗽 骨蒸 白茯苓 錢 五

水鍾半 薑三片煎服 加山梔丹皮 即加味逍遙散

防風通聖散 見傷風 五積散 治感冒寒邪 頭疼 身痛 項背拘急 惡寒 嘔

吐或有腹痛 又治傷寒發熱 頭疼 惡風 無問內傷 生冷外感 風寒及寒濕客於經絡 腰脚痠疼 並治

芍藥 各 三 桂心 錢 一 枳殼 麩 炒 麻黃 根 去 節 陳皮 各 六

分 桔梗 二 炒 分 一 錢 厚樸 薑 製 乾 薑 分 四 蒼木 皮 泔 浸 各 六

半 根煎 右十五味 作一劑 水二大鍾 薑三片 葱白三

芎芷香蘇飲 川芎 白芷 香附 紫蘇 橘皮 甘草 葱

醫林繩墨

卷之一 風寒四

集

附

白薑片水煎服
十味芍蘇飲 橘皮 前胡 枳殼 桔梗 葛根
川芎 紫蘇 桑皮 杏仁 半夏 薑棗煎服

升麻葛根湯 俱見傷寒
柴葛解肌湯 卽二陳加神麴黃藥二味

經驗四時感寒發散方 身熱頭痛骨節痛者皆用

此發汗 白乾葛 升麻 川芎 廣陳皮 蒼木 紫蘇葉

二錢 香附 水 洗 七 分 小 水 洗 五 分 小 真 紫 蘇 葉

三 分 京 赤 芍 四 分 白 芷 四 分 羌 活 八 分 生 薑 三 片 爲

引 約 重 二 錢 切 細 水 一 碗 半 煎 至 八 分 去 渣 熱 服

被 覆 取 汗 渣 再 煎 如 汗 出 不 透 仍 熱 服 摧 汗 若 汗

出 既 透 其 渣 從 容 溫 服 可 也 服 此 藥 發 汗 之 後

如 身 熱 頭 痛 骨 節 痛 等 症 盡 除 則 須 服 清 解 藥 二 劑 或

可 也 其 或 熱 與 痛 未 盡 除 則 須 服 清 解 藥 二 劑 或

三 劑 或 熱 與 痛 雖 除 而 覺 有 內 熱 煩 燥 大 小 便 不

利 者 亦 須 服 清 解 藥 一 二 劑 其 方 見 後

經驗發汗後清解方 黃芩 水 洗 一 錢 前 胡 水 洗 六 分 柴

胡 蘆 一 錢 去 白 乾 葛 一 錢 赤 芍 五 分 枳 殼 炒 六 分 白 花

粉 人 參 三 分 山 梔 子 仁 三 分 黑 水 六 分 炒 桔 梗 五 分 生 薑 三 片 爲

分 甘 草 三 分 薄 荷 三 分 如 小 便 不 利 加 赤 茯 苓 五 分

苓 澤 瀉 木 通 麥 門 冬 去 心 各 八 分 車 前 子 四 分

以上方藥皆二三日內感寒能及時發汗者用之

無不神效其有當時失於發散延至四五日以外

則寒邪入內鬱爲熱邪或頭痛骨節症等症已除

止是胸腹五心發熱煩燥此則不可復用羌活麻

黃防風蒼朮等藥發汗但當清解其熱邪若大便

秘塞則用大黃等藥疏利之可也

經驗清解熱邪方 白乾葛 一錢 前胡 六分 陳枳殼

炒 七 連 翹 六 分 白 花 粉 七 分 柴 胡 三 分 黃 芩 一 錢

赤芍 五分 甘草 三分 白麥冬 一分 薄荷 三分 山梔子

仁 炒 六 內 熱 甚 者 加 黃 連 八 分 小 便 不 利 者 加 赤

茯苓茵陳朱苓澤瀉木通各八分大便秘者加酒

風寒五

醫世林編 卷之一
炒大黃三錢服一二劑如又不通大黃勿炒加芒
硝三錢另盛碗內待藥熟澄渣傾入碗中調服立
效 以上時感治法俱尋常感寒而不兼內傷者
宜用之 其有內傷挾外感外感兼內傷者詳見後
內傷中 其有外感失於發表傳變成瘧者即愈
此清解邪熱方服一二劑可表散而愈或不即愈
服至三四劑自可漸愈若體氣虛弱及久瘧者切
不可服

中暑

附傷暑冒暑及中熱注夏暑風

夫暑者夏令炎暑之氣也經曰寒傷形熱傷氣何以言
之脈經曰暑傷于氣所以脈虛弦細孔遲體狀無餘觀
此可知矣蓋人與天地同橐籥夏月天氣浮于地表人
氣亦浮于肌表所以盛暑之際膚腠不密而易于傷感
也潔古云靜而得之為中暑動而得之為中熱東垣為
避暑于溪堂大厦水亭涼閣身受寒氣口食寒物因而
得之名曰中暑此症與中寒相同或四肢厥逆或拘急
體痛或嘔吐脈虛身熱無汗或脈沉遲空脫無力然與

句該括
餘

中者寒症

中暑熱症

暑症治之有異宜用辛溫之劑大順散理中湯擇而論治如夏月日中勞苦得之者名曰中熱此因天道盛暑感受炎熱之氣其症身發大熱甚之烙手或引飲面赤或嘔噦惡心其脈洪而數者是也宜以清熱之劑如黃連解毒湯黃連香茹飲選用而治傷暑者由其暑熱勞傷元氣之所致也其症日間發熱頭疼眩暈躁亂不寧無氣以動亦無氣以言或身如針刺小便短赤此為熱傷元氣也亦宜黃連香茹飲或清暑益氣湯黃連解毒湯量其虛實而與之冒暑者其人元氣有餘但不辭辛

中分虛實

此言實症

苦暑熱自于肌表而復傳入于裏以成暑病者也是則腹痛水瀉口渴欲飲心煩燥熱胃與大腸受之亦宜黃連香茹飲或天水散六和湯隨其輕重而與之又有注夏者皆因元氣不足陰虛而然或有偶感邪熱于內助其虛火令人頭眩身熱自汗盜汗心煩燥擾四肢倦怠者其為病也發于日長暴暖春末夏初之間宜以補養元氣為主用補中益氣湯可也又有暑風者夏月卒倒不省人事偶為暑所中也有因火者有因痰者火君相二火也暑天地之火也內外合而炎爍所以卒倒也痰

此言虛症

此言痰火

更細

醫林編要 卷之一
者人身之痰飲也因暑氣入而鼓激痰飲壅塞心胸之間則手足不知動攝而卒倒也此二者皆可吐吐醒後可與清劑調治之設若體虛之人用二陳湯加蒼樸茹連之屬虛加人參實加葛根

愚再按暑者天道炎暑陽氣酷烈牀席不可近途路不可行煩渴太甚元本空虛感受之者謂之傷暑天氣熱暑日勝而夜涼不以衣被遮護貪涼好臥腠理疎開邪氣因而直達腑臟得之者謂之中暑若傷暑者當以熱論此中熱之症古人以為中暍宜以黃連香茹飲中暑

者當以寒論此因暑之所得也今人以為中寒宜用大順散大抵傷暑而作中暑治之如抱薪救火其熱尤甚發黃發癍症必見矣或癍黃不見內有所積久則血痢之症生焉中暑而作傷暑治之以寒治寒其寒反盛如吐瀉而加厥逆表症而生痰壅寒不得出死可待矣設若當暑之時大順散疑于大熱懼不敢用不若與之二陳湯加蒼樸香附之類發熱惡寒有表症而脈弦緊者加葛根吐瀉惡心中氣不行者加乾薑此治之無不驗者也秘之

治法至意中暑由寒得中熱因熱至寒不可用表而宜
溫熱不可用寒而宜清

中暑至方

大順散 治夏月過食水果冷物引飲過多霍亂水

穀不化陰症 甘草 乾薑 杏仁 桂 肉桂

水煎服腹痛脉小欲絕手足青冷者加熟附子炒

白芍

理中湯 見中風

黃連解毒湯 見傷寒

黃連 香茹 治夏至後一切暑熱腹痛及霍亂吐

利心煩 香茹 三錢 厚樸 扁豆 路 錢 黃連 分

水煎冷服

清暑益氣湯 治長夏濕熱炎蒸四肢倦怠精神減

少身熱氣高煩心便黃湯而白汗脉虛者此方甚

良 人參 白朮 陳皮 神麴 澤瀉 芩 黃

芪 一錢 蒼朮 五錢 麥冬 當歸 黃柏 甘草

青皮 乾葛 治三五味子 九粒 水二大盞煎至

一盞去渣食遠稍熱服

天水散 專治中暑身熱煩渴小便不利此藥

能燥濕分利水道實六腑化熱毒行積滯逐疑血

補胃降火之要藥也 活石 六兩 甘草 一兩 共

為末水飛極細或燈心湯或井凉水調服

六和湯 治脾胃不調夏月飲水過多氣不升降霍

辭吐瀉轉筋寒熱脹懣 宿砂 半夏 杏仁

王痰 厚樸 人參 甘草 藿香 木瓜 香薷 赤

茯苓 白扁豆 水二鍾薑棗煎服

補中益氣湯 見中風

二陳湯 見中風

受於腠中
復得秋風
涼肅而發
溫瘧者得
之冬中之
風寒所以
傷寒門有
溫瘧

飲治之其所謂寒瘧者無汗惡寒體重面慘先寒而後
熱宜以敗毒散加紫蘇治之其所謂濕瘧者身體重痛
不能轉移嘔吐腹脹冷汗多出宜以二陳湯加蒼樸治
之其所謂溫瘧者先熱後寒自汗惡風寒熱不大宜以
小柴胡湯加乾葛治之其所謂牝瘧者寒多不熱氣虛
而泄陽氣短少慘悽振振宜以理中湯配二陳治之其
所謂牡瘧者飲食不節飢飽勞傷表裏俱虛宜以人參
養胃湯或二陳湯加歸朮人參乾薑治之其所謂瘧瘧
者連歲不已脾家有積元本空脫宜以大補氣血如十

瘧瘧疑即
勞瘧

風寒暑濕
藏於營者
一日一發
藏於衛者
間日一發
或間二日
一發由於
衛氣之舍
深如在腑
在臟之不
同也在腑
者其行速
在臟者其
行遲速者

全大補湯治之又有食瘧痺瘧鬼瘧是名雖不同而其
感受之端未有不由風寒暑濕七情六慾飢飽勞役而
成者也惟鬼瘧發於六陰內兼時行不正之氣用藥提
起陽分方可截之宜加雄黃桃仁於平胃散或四物湯
之內服之大率體盛之人一日一發體弱之人間日一
發體虛之人三日一發又有連二日發間一日發者初
宜發散次宜清痰健脾若已來五六次之後方可行截
若未經發散而即與截藥則閉邪在內吾見其為痰為
喘為膽狂等症矣又見有瘧發之時欲湯而與之水飲

下卽狂無汗而死者蓋欲汗而不汗則熱閉不解痰喘併作有斃而已亦有變成腫毒以喪命者皆截早之故也是固可忽乎哉若夫久瘧不止又不可再與治瘧之劑必須調經養正其邪自除脉經曰瘧脉自弦弦遲多寒弦數多熱隨時變遷醫者其知之

愚按瘧疾初宜發散用解之藥一二劑次宜和解用清熱之藥一二劑然後發至四五次方可行截不然截之太早則腹中作脹飲食難進寒熱固雖微小乍來乍往不能盡絕反多纏繞設或初發一次就行截者寒熱不

能發越邪氣不能屈伸必致痰涎妄攻於上吐之不出嘔之不下氣急喘甚昏不知人悶亂而死又有當發之時不以熱處或露臥風霜或飲水以救渴致使風寒併結而不能舒散邪氣攻擊而致於擾亂寒熱相搏痰涎迷塞狂言亂走亦必鬱躁而死又有房幃不爲忌勞役更與應酬發而延久變爲勞傷又有氣鬱爲七情所中飲食不節脾胃愈損變爲痞氣中滿成腫脹嘔吐諸如此類不可勝述惟善調護者知避風寒肯節飲食厚衣取汗亦可不藥而止至於治之之法必要分其虛實

總之脈實
證實者攻
邪以治標
脈虛證虛
者補正以
治本

辨其表裏別其新久因人而施若表之未盡寒熱未平
當佐解表之藥如香附白芷陳皮甘草常山煮酒服之
若元本空虛寒熱間作當佐實裏之藥如人參白朮柴
胡黃芩常山草果煮酒服之至於三日一發或連二日
一發或間二日一發發之不齊者當用十全大補湯十
餘劑其瘧自止設或不止再加醋炙鱉甲一箇未有不
止者也此蓋吾家秘法用之如神載於篇末以告學者
御法主意有汗者要無汗扶正為先無汗者要有汗發
散為急

瘧症方

小柴胡湯 見傷寒

四獸飲 橘紅 半夏 白朮 甘草 人參 草

敗毒散 羌活 獨活 柴胡 前胡 川芎 黃

枳殼 桔梗 茯苓 人參 何柳 用 甘草

薑三片 水鍾半煎服

二陳湯

理中湯

十全大補湯 俱見中風

平胃散 附片 厚樸 薑製 蒼朮 浸 陳皮 去白 甘

草 薑三片 棗二枚 煎服 小便赤澀 加白朮

澤瀉 心胃痛氣 加枳殼 木香 脾胃困弱 加人

參 黃芪 傷食 加枳實 腹脹 加厚樸 甘草 減半

有痰 加半夏 陳皮 咳嗽 加當歸 黃芪 大便硬

秘加大黃

回物湯 見中風

附效方

瘧症方 瘧四

柴苓湯 初發一二日服之 柴胡五分 黃芩一錢 猪苓五分 澤瀉五分 白茯苓八分 白朮五分 厚樸八分 甘草三分 人參五分 乾葛一錢 水二碗煎

加減柴苓湯 三四日服 柴胡八分 黃芩五分 青皮 草薹 路一蒼朮 檳榔 路五分 川芎 三分 半夏 水一碗酒一碗薑三片葱三根煎一碗溫服微汗

治感寒瘧方 青皮 半夏 路七分 柴胡八分 乾葛 烏梅 紫蘇 藿香 當歸 人參 黃芪

白朮 路各一川芎 六分 薑三片水碗半煎八分食遠服 治傷食瘧方 青皮 四分 甘草三分 人參 乾葛 厚樸 薑炒 白朮 陳皮 黃芪 路五分 半夏 路七分 酒麩 六分 草薹 三分 當歸 六分 薑三片煎服同前

治受熱瘧方 青皮 澤瀉 路四分 柴胡 半夏 麥冬 去心 各 乾葛 人參 黃芪 白朮 當歸 路五分 五味子 十粒 黃栢 三分 薑三片煎服同前

治受勞苦瘧並久瘧方 人參 五分 薑三片煎服同前

發之前空心服輕者一服無不效也藥皆王道但君臣配合佐使妙耳

聶久吾截瘧妙方 柴胡 五錢 真廣陳皮 路三錢 甘草 五分 寒熱相半者用此方寒多熱少者加 陳皮一錢 柴胡一錢 熱多寒少或全無寒者減陳 皮一錢 水二碗煎一碗臨發日五更空心溫服 已發時不可服 此方初一二元氣實者用之 立效如患瘧已久或元氣虛弱者用 白貝母 法 二錢 人參 一錢 水二鍾煎至八分臨發日五更 空心服未全愈可再服一二劑

又治瘧極驗方 何首烏 當歸 柴胡 路三 知母 五分 陳皮 二錢

又治瘧神方 常山 五錢 半夏 二錢 檳榔 五分 雄黃 又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

又治瘧神方 常山 五錢 半夏 二錢 檳榔 五分 雄黃

硃砂各七厘用酒水各一鍾煎至八分露一宿臨

又截瘧煎劑方常山一錢檳榔三錢柴胡七分

白木一錢當歸七分陳皮五分甘草三分茯苓七分

黃芪一錢人參五分水二鍾煎八分服若截後

以柴苓湯加青皮飲調理脾胃消導

又治三日兩發瘧方陳皮二鍾煎七分臨發日早服

乾薑柴胡三水二鍾煎七分臨發日早服

又人參平瘧丸尚治久瘧成痞者

常山日秋月七浸十日取起曬乾二分夏兩

香五錢貝母研末雞心槲榔四兩人參兩公母丁

服八分酒下薑湯亦可辰午戌三時服瘧亦盡除

久瘧陰虛服截藥不效者急服補中益氣湯倍加人

參乾薑何首烏即效或加鱉甲一錢乾薑亦可或

于治瘧藥中少加附子五釐即愈此心訣也

痢

經曰無積不痢痢者積滯也又曰暴注下迫皆屬於火

又曰痢者洩數而便膿血知氣滯其血也治宜通利為

先不可擅用補澁之劑丹溪曰養血則便自安調氣則

後重自除又曰後重則宜下下以大黄檳榔腹痛則宜

和和以芍香厚樸身重則除濕除非蒼樸不能脈弦則

去風去非秦芫不可脈大宜清熱為先清熱當以黃芩

黃連血稠用重藥始竭重藥當用大黄滑石身冷自汗

則貴溫之若非人參加乾薑不克溫風邪外束則宜汗

痢經名腸
澀古稱滯
下腸澀便
血身熱則
死身寒則
生下白沫
脈沉則生
脈浮則死
下膿血脈
懸絕則死
滑大則生
印身不熱
脈不懸絕
而脈滑大
者生懸瀉
者亦死以

藏期之以
藏期之者
肝見庚辛
死心見壬
癸死肺見
丙丁死脾
見甲乙死
腎見戊己
死也

之若非人參敗毒散不獲汗又驚塘下痢與之當以香
連茱萸邪迫後重授之當以歸陳芍藥在表者解之此
因風寒外襲在裏者下之此由食邪壅盛邪在上焦宜
行吐法即在上者瀉之之說也食積下痢者也邪在下
焦宜行下法即在下者竭之之說也腹脹便瀉者也身
熱者內疎之用兼苓連查樸之藥小便短瀉者分利之
用兼車前滑石之藥又或盛者和之宜用滋養之劑如
盛而不和則積愈勝也去者送之宜用通利之劑欲去
而不送則多稽留也過者止之宜用止澁之劑如積行

脾司倉廩
土為萬物
之母腎主
於藏水為
萬物之元
臟皆根
本之地

太過元本空虛則反難止也兵法云避其來銳擊其惰
歸此之謂歟然而瀉屬脾痢屬腎又不可不知也丹溪
曰先水瀉而後便膿血者此脾傳腎也先膿血而後水
瀉者此腎傳脾也脾傳腎者為賊邪治之難愈腎傳脾
者為微邪治之易愈戴氏又曰痢雖有赤白二色終無
寒熱之別白者濕熱傷氣自大腸來赤者濕熱傷血自
小腸來赤白相雜氣血俱傷非兼氣血兩治不可也若
夫黃屬食積黑屬熱盛此皆易治惟腥穢者腸胃大傷
腐敗必難治矣至於裏急者火盛也虛坐不得便者血

濕土寄旺
四時或從
於火則陽
土有餘而
濕熱為病
經所謂墩
阜是也或
從於水則
土不足
而寒濕為

虛也噤口不食者氣格中焦邪壅上膈或積穢在下惡
氣上攻也屢止屢發久而不愈名休息者積熱未清兜
澀太早之故也治宜和氣血清濕熱開鬱結消滯積輕
者芍藥湯香連九重者承氣湯治中湯隨症加減可也
雖然又嘗論之痢之為症多本脾腎前賢治此亦有偏
僻如局方與陶復庵例行辛熱河間與丹溪專用苦寒
自二者各異遂使學無定宗要總不若以虛實而分論
通塞補之為得也故通因通用乃新感而實者可施塞
因塞用必久病而虛者可措是皆常法無待言焉獨怪

病經所謂
卑監是也
主熱遺寒
主寒遺熱
是乎否則

世之病痢者十有九虛而醫之治痢者百不一補氣本
下陷而再行其氣後重不益甚乎中已虛衰而復攻其
積元氣不愈竭乎濕熱傷血者自宜調血若過行推蕩
血不轉傷乎津亡作渴者自宜止泄若但滲利津不轉
耗乎又或專守痛無補法一言且曰直待痛止方可補
耳不知因虛而痛者愈攻則愈虛而愈痛矣此皆本末
未明但據現在者為有形之疾病不思可慮者在無形
之元氣耳今以宜補之證為悉陳之夫脉來微弱者可
補形色虛薄者可補疾後得痢者可補因攻而劇者可

補然而尤有至要者則在脾腎二藏更宜加之意也如
 痢得於脾者其病淺如痢得於腎者其病深蓋腎為胃
 關開竅於二陰未有久痢而腎不損者故治痢不知補
 腎非其治也凡四君歸脾十全補中皆補脾虛未嘗不
 善若病在火衰土位無母設非桂附大補命門以復腎
 中之陽以救脾家之母則飲食何由而進門戶何由而
 固真元何由而復耶若畏熱不前僅以參朮補土則愈
 滯其惡積多致不起不亦大可傷也哉
 愚再按痢疾一症夏傷於暑秋必痢瘧暑傷血分則痢

凡痢起於
 夏秋濕蒸

紅暑傷氣分則痢白然要非中無積滯而病此者也傷
 於氣則用木香以調其氣檳榔以下其氣厚樸以行其
 氣枳殼以散其氣傷於血必用當歸以養其血川芎以
 行其血生地以涼其血地榆以斂其血至經日山查可
 以治痢非山查即能治痢也以山查有消導之功使飲
 食入胃易於消化則濕熱難以和成而作積也芩連可
 以治痢非芩連即能治痢也以芩連有清利之用熱流
 於腸痛而不休大便窘迫來而不利非黃芩不能以清
 濕熱非黃連不能以行大腸也若脹滿不食亦非查樸

熱鬱木平
 天也因熱
 求涼過吞
 生冷因于
 人也氣壯
 而傷於天
 者鬱熱居
 多氣弱而
 傷於人者
 陰寒為甚

不寬中後重不利亦非枳殼不開導木香有和胃行肝
 之理枳榔有行滯去積之能亦因其辛可散而苦可下
 也又見在上之氣亦非木香不能散在下之氣亦非枳
 榔不能行至若芍藥止痛止腹痛為最美蓋血虛腹痛
 非此不除此痛於小腹也吳萸止痛止大腹痛為神妙
 蓋氣寒作痛非此不定其痛發於陰寒也烏梅止痢功
 取收斂在積者而可行若非臟腑虛寒不可用也地榆
 收斂理取涼血因積行多而欲止亦謂下痢血熱之可
 與也人參白朮有健脾之功在痢疾收功而方可用大

此論似與
 去香送之
 之說相背
 但三五日
 後用此等
 藥却不少

黃黃連有去積之妙在痢疾初起而即宜施且如痢行
 三五日正欲通泰而行舒暢也或因脈虛或因氣弱反
 用白朮茯苓以健脾山查苡仁以實胃黃連木香以逐
 邪厚樸山查以行氣此謂逐盜閉門則積滯之氣輕可
 變重也又如下痢日久元本空虛或因利藥之太過或
 誤當止之不止致令積行不已氣血虛弱手足逆冷則
 重必致死當此之際若非大補氣血和其榮衛大與甘
 溫養其元氣不可為也此其所謂實實虛虛之意也歟
 大抵治痢之法濕勝者先去其濕熱勝者先清其熱若



熱勝而清濕則熱愈勝也濕勝而清熱則濕愈大也或
 者先因其濕而後化為熱當以熱治與濕絕無相干也
 不可因其濕熱而又與燥溫之藥使熱反甚也而其綱
 紀總不外乎通下塞補而已又有產後下痢難治之症
 醫家每至縮手緣產後則當用熱藥非薑桂不可痢疾
 則當用涼藥非芩連不可如用熱藥恐痢疾反重濕熱
 上攻惡心乾嘔飲食不入必致於死如用寒涼則產後
 惡血不行血上搶心呵欠煩悶亦必致於死二者之間
 何施而可吾嘗治之兩用行血行積之藥以芎歸為主

當記當記

佐以益母金銀花和血以行血丹皮紅花清熱以行血
 山查童便消積以行血如腹痛者加香附腰痛者加續
 斷治無不驗亦當秘之

治法主意養血則便自安調氣則後重自除斯為至穩
 當也

痢主方

芎藥湯見傷風

香連丸

治痢疾并水瀉暑瀉甚效

黃連淨十兩

本香二兩半

先將黃連用去枝梗吳茱萸五兩

以熱水拌入磁器內湯頓一日同炒黃連紫色
 去莢用連為末每末四兩入木香末一兩淡醋米
 飲為丸每服二三十九丸滾湯下久痢中氣下陷者
 用補中益氣下中氣虛者用四君子下中氣虛寒

醫林雜錄

卷之一

痢六

三

山堂

承氣湯 見中風

治中湯 即理中湯加陳皮青皮 聖中湯見中風

四君子湯 見中風

歸脾湯 治思慮傷脾而患瘧痢 人參 白朮

白茯苓 黃芪 龍眼肉 酸棗仁 薑棗為引水煎服

木香 甘草 五錢各當歸 一錢

十全大補湯 復見中風

補中益氣湯 復見中風

治痢秘方 詳木疴

附效方 論曰痢為陷惡之症生死所關

最重不惟時醫治之失宜而古今治法千家多不
得其竅是以不能速收全效今立方何以為奇不
泥成方故奇也立論何以為妙不膠成說故妙也
且能以數劑而取效於數日內初起者或以一二
劑而取效於一二日內此所以奇妙也然其藥品
又不外平常識者慎毋忽之

川黃連 去芦條實黃芩 大白芍 生用 山查淨肉

各一分 陳枳殼 炒去穢 厚樸 去皮 薑 堅 檳榔 厚青

皮各八分 當歸 甘草 地榆 各五分 紅花 酒洗 桃仁

如粉一錢 尖碎 南木香 二分 用水二碗煎一碗去渣

空心服渣再煎服 此方或紅或白或紅白相兼

裏急後重身熱腹痛者俱可用 單白無紅者去

地榆桃仁加去白陳皮四分木香用三分滯澁甚

者加酒炒大黃二錢服一二劑仍除之 此方用

之於三五日神效用法詳具於後 亦効惟十日半

月外則當加減其法詳具於後 亦効惟十日半

川黃連 條黃芩 大白芍 青皮 檳榔 各四分

肉一錢 製厚樸 製陳皮 青皮 檳榔 各四分

甘草 三分 當歸 五分 地榆 四分 桃仁 粉 六分

紅花 三分 南木香 二分 如延至月餘覺脾胃弱

而虛滑者用酒炒芍連 白芍 各四分 製陳皮 製

厚樸 南木香 各三分 醋炒地榆 四分 紅花 二分 當

歸 人參 白朮 炙甘草 各五分 以上三方有

胎婦人服之去紅花桃仁檳榔 以上方法隨用

向山堂

向山堂

向山堂

向山堂

向山堂

輒效間有不效者必其初投參朮等補劑太早補塞邪氣在內久而正氣已虛邪氣猶盛纏綿不已欲補而塞之則助邪情而疎之則愈滑遂至於不可救療雖有奇方無如之何則初投溫補殺之也蓋古今治病者皆曰熱則清之寒則溫之初起熱盛則下之有表症則汗之小便赤澀則分利之此五者舉世信用若規矩準繩之不可易者予有獨見以爲五者惟清熱一法無忌其回法則犯四大忌必不可用也戒之戒之

治痢化滯仙方亦能治積食等症服效如神
 廣陳皮 一斤 米泔水
 木浸 一斤 神曲 二斤
 水浸 一斤 麥芽 一斤
 明片 炒 五錢 醋 煮 大 半 日 再 添 醋 煮 至 紅 色
 將 入 五 確 內 用 醋 煮 乾 脆 打 破 確 取 礬 連 前
 爲 度 方 不 加 醋 憑 火 煨 乾 脆 打 破 確 取 礬 連 前
 藥 共 爲 末 水 爲 丸 大 人 用 一 錢 小 兒 五 六 分 紅 痢
 燈 心 湯 下 白 痢 薑 湯 紅 白 水 瀉 滾 水 下 隔 不 寬 肚
 脹 作 痛 俱 滾 水 下 服 此 藥 一 料 費 銀 不 過 三 四 錢
 可 治 千 人 爲 善 者 可 廣 製 施 之

秘傳海上香連丸仙方 專治赤白痢疾泄瀉神效

真川連 淨八兩 木香 二兩 不川當歸 一錢 白芍 炒一錢

川芎 分一錢 五車前子 見火一錢 生地黃 二錢 厚樸 炒一錢

白茯苓 分一錢 五木通 八分 枳殼 炒一錢 陳皮 炒一錢 蒼

朮 炒一錢 吳茱萸 炒一錢 右除黃連二味共十二味

用水七碗煎至五碗去渣用汁煮黃連以乾爲度

取起晒乾用木香共爲細末用老米粉好醋打糊

爲丸如梧子大每服三十九丸白痢薑湯下紅痢茶

湯下泄瀉百沸湯下此方妙在製法百發百中其

驗如神

縱冬月患
之亦由夏
月之伏暑
也

藥則吐利可止而陰寒可散也如單投發散之藥非惟
吐不可止利不可截亦且提吐不休必至手足厥逆脈
勢空脫而死大都此病多起於夏秋之間皆外受暑熱
內傷飲食以致陰陽反戾清獨相干升降否隔上下奔
迫須遵內經分濕熱風暑虛實而為施治如乾霍亂俗
名絞腸沙由脾土鬱極不得發越因之火熱內擾是症
不可過於攻過攻則脾愈虛不可過於熱過熱則火愈
熾又不可過於寒過寒則火必捍格須反佐以治然後
鬱開而火散古方用鹽湯探吐法以極鹹鹽湯三碗熱

要分寒熱

飲一碗指探令吐不吐再服一碗吐訖仍飲一碗三吐
乃止又或將鹽釜熬調以童便不獨降火兼能行血二
法最良極為穩妥若夫吐利不止元氣耗散或口渴喜
冷或惡寒逆冷或發熱煩躁欲去衣被此陰盛格陽不
可以其喜冷欲去衣被為熱宜投以二陳湯倍加炒黑
乾薑與香附厚樸甚者加熟附子若轉筋者兼風木得
熱自止服宜建中湯加木瓜柴胡體重骨節煩痛者兼
濕化服宜除濕湯風暑合病者服宜石膏建中湯又有
一種受暑得之者其症腹不痛口多渴心中煩躁不寧

吐瀉清水不止自汗面白氣麤宜爲清熱利濕加黃連
香茹飲或四苓散益元散桂苓白朮散此症乃熱傷吐
瀉與前寒者大不相同所當臨症而用心分別者也又
凡吐瀉未盡切勿投以粥食恐滯胃氣反成費手之症
必待吐瀉將有半日胸中不脹蘊蓄已去方可與之若
吐利之後當與調劑而又不與之粥飲調劑則脾氣受
虧亦成難治費手之症至若俗論吐瀉之病其欲飲者
不可與之以熱宜當與之以冷是又不知調治者也吐
瀉之後脾胃虛弱中必惡寒今則不與溫熱而反與寒
冷是速其死矣總之是病有從標得者有從本得者有
從標本得者六經之變治各不同而色脈二字所當細
察而體認者也

愚再按吐利之症治之宜爲溫中散寒今世多用藿香
正氣散此藥一服不惟不能安其吐而反提其吐蓋此
藥兼表實多也又古方用理中湯香砂丸以治吐利此
溫中之藥也固可治之殊不知服去仍復吐也蓋理中
用參朮大補不助其正而反助其邪也香砂用香燥大
行不行其邪而反行其氣也不若直與二陳湯大加炒

黑乾薑香附厚樸白朮等味治之無不應手痊可抑且
在中之劑溫熱并行則寒自散而利自止也

治法主意霍亂不吐死在須臾吐利脈脫溫補自可

霍亂主方
二陳湯 見中風

建中湯 見傷寒

除濕湯 治寒濕所傷身體重者腰脚酸疼大便澹

泄小便或澀或利 半夏 炒 蒼朮 各二錢 藿香

葉 陳皮 去白 白茯苓 去皮 各一錢 甘草 七分 白朮 用生

石膏 建中湯 治霍亂表虛自汗風暑合病 芍藥

官桂 石膏 甘草 水二鍾生薑五片棗二枚

煎一鍾食前服 黃連香茹飲 見中暑 茯苓 去皮 猪苓 去皮 白朮 澤瀉 各等

益元散 治霍亂 熱煩渴 小便不利 此藥能燥濕

分利水道實六腑化熱毒行積滯逐凝血補胃降

火之要藥也 活石 六兩 甘草 一兩 右為末登

心湯或井涼水調服 桂苓白朮散 治胃暑飲食所傷傳受濕熱內盛霍


亂吐瀉轉筋急痛滿腹悶 桂枝 人參 白

朮 白茯苓 各五分 澤瀉 甘草 石膏 寒水石

各一錢 滑石 五分 一方有木香藿香葛根各五分

為細末每服三錢白湯調下或新汲水薑湯下亦

醫林繩墨大全卷之一終



國
林
神
皇

卷
之
一

第
一
章

尚
山
堂

